

Assyriorum Monarchia, & Historia.

* Anno M. circiter 1757. Period. Julian. 2467.

m Genes. 14. 1. &c.

n Judic. 3. 8. o Ann. M. 3255. p Herod. 1. 1. 6. 95.

q Ann. M. 3257.

r Ann. M. 3323.

s Ann. M. circiter 3378.

Perfarum Monarchia.

Assyrium Imperium à Nemrodo paulò post turris Babelicæ constructionem conditum (*), inter cætera Orientis Imperia vetustissimum censetur. Nemrodus verò, ejusque Successores usque ad Ninum Beli Assyrii filium, qui annis 980. post Nemrodum, Aod & Baruc Israellem judicantibus, floruit, quamdiu imperaverint, ignoramus. Tempore Nemrodum inter & Ninum interjecto, Chodorlahomor Elamitarum Rex, Arioc Rex Ellasar, & Amraphel Rex Sennaar, qui Abrahami a tate (m) Pentapolis Regibus bellum intulerunt, à Scripturâ memorantur. Cùm verò Rex Sennaar, Chaldææ, non Assyriæ Rex nuncupetur, Assyriæ Regnum minimum tum fuisse putamus. Judicium ætate Chusafan Rafathaim, annos 146. antequam Ninus Assyrium Imperium conderet, in Mesopotamiâ imperabat (n). A Nino usque ad Imperii Assyrii everisionem, quæ (o) Arbace, & Beleso Sardanapalum, à quo defecerant, oppugnantibus primò contigit, Herodotus (p), & Appion annos 520. recensent.

Post primos Assyriæ Reges Nini successores, secundum Assyriæ Imperium scimus, quod ex primi ruinis Junior Ninus condidit (q). Hic Teglatphalasar à Scripturâ appellatur. Annis 19. Ninive imperavit; Salmanassar, Sennacherib, & Assaradonem successores habuit. Assaradon, Manasse Judæ Rege imperante (r), Babylonis Imperio, quòd hæredes defecissent, potitus, utramque Assyriæ & Chaldææ Monarchiam iterum conjunxit. Huic successit Saosduchin, fortè idem cum Nabuchodonosore, qui in Judithæ Libro de Arphaxad, aliter Phraorte, Medorum Rege victoriam retulit.

Post Saosduchin Chinaladan, aliter Sarac, imperavit; quem Nabopolassar Chaldæus, seu Babylonius, & Astyages Medus oppugnarunt (t); ejusque Imperium inter se partiti, Chaldæorum & Medorum Regna ab Assyriæ Imperio iterum seixe-re. Assyriæ Monarchia nunquam imposte-rum restituta excidium possumus hic con-signare; Nabopolassar enim, Nabuchodo-nosor, Evilmerodach, & Balthassar, Baby-lonis Reges, ad Chaldæorum Monarchiæ continuationem pertinent.

De Assyriæ Imperio, annorum 1620. spa-tio pluries everso, & pluries restituito, hæc, quæ occurrant, certiora. Verùm hu-jus Monarchiæ historia cadaveris, ita di-xerim, speciem præfert. Ejus enim distin-ctè nomina, regni durationem, plerorum-que Regum gesta, & Imperii fines igno-ramus; & certum quoddam, quo instruamur, monumentum nullibi extat. Authores, qui de hac historiâ differunt, eandem nunquam perspicuè novere, quare neque inter ipsos convenit; quomodo enim e. g. Ctesias cum Herodoto, ceterisque Assyriæ Imperii Historicis conciliatur?

Perfarum Monarchiam sub Cyro tantum-moddò ceptam omnes vulgò testantur. Quosdam quidem Authores scimus, qui Cambysem Cyri Patrem Perfarum Regem constituant; cujus tamen rei, quam Hero-

dotus & Trogus improbant, validum ar-gumentum nullatenus proferunt. Quamvis Perfarum Monarchia ante Cyrum extitisset, adhuc de iis certi nihil statui pos-set, quòd eosdem penitus ignoremus; Perfa Cyri initio valde quidem humiles; qui verò eorum Monarchiæ vetustatem longinquius protrahunt, Achemenem Cam-bybis patrem & Cyri avum non præter-grediuntur. Post Cyrum, & in Scripturis & apud prophanos Authores celeberrimum, Perfarum Monarchia potentissima evasit: verùm temporaneum fuit Imperium; à Cy-ro enim, qui anno 3456. Babylone Re-gnum suscepit, usque ad Condomani Da-rii, Regum Perfarum postremi, cladem (t), anni 218. tantummodò numerantur;

Perfa veteres gentilibus Historicis om-ninò carere. De iis quidquid certioris habemus, à Græcis accepimus; qui eorum rebus scribendis idcirco incubuerunt, quòd à Persis pluries cum Græcis collatis signis, Græci iis in præliis maximum sibi nomen vindicarent. Quare, ut suorum virtus clariùs eluceret, de Perfarum Natione tum per Orbem celeberrimâ diligentius inda-garunt. Cùm præterea plurimi tunc apud Græcos literis, & eruditione florentes & se & posterorum memoriâ dignis recensendis incumbere appetent, nil eis præstan-tius tum occurrebat, quàm de Græcâ Re-publicâ, & Perfarum Monarchiâ, & de mu-tuis utriusque Nationis bellis historiam con-textere.

Verùm si Hebræorum Libros consula-mus, de Perfarum antiquitate, & Origine certius quid & vetustius hauriemus. Elam filii Sem, qui Elymaidem Persidi conter-minam populis auxit, & à quo Elamitæ, qui cum Persis ut plurimum confunduntur, Moyses meminit. Perfarum nomen nonnisi serò apud Scripturas. Inter copias Holo-pheris (u) Medi & Perfa recensebantur (x). Ezechiel inter Legiones Tyri auxilia-rias à Nabuchodonosor Babylonis Rege profugatas, & Perfas Parafim nomine enu-merat (y). Excidium Monarchiæ Chal-dæorum à Regibus Persidis imminere Da-niel prædicit (z). Perfas ex equitandi consuetudine, nunc enim perpetuò sermè in equis sunt, Parafchim appellari con-stit; Paraf enim Hebræicè equitem signi-ficat. Quare Paraf, seu Perfa non hu-jus Nationis genuinum nomen, sed ex equitandi consuetudine adscriptum voca-bulum.

Si verò genuinum Perfarum nomen Elam velimus, Codorlahomor Elam Regem vel Abrahami a tate florentem inveniemus (a). Isaias propheticè de Babylonis obsidione dia ante loquens, inter aggressores Medos & Elamitas enumerat (b). Jeremias gra-vissimas adversùs Elamitarum Reges minas pronunciat (c). Hæc itaque Natio poten-tior, & quàm à Græcis Authoribus præ-feratur, longè vetustior. Isaias centum-annis antequam Cyrus nasceretur, ejus ortum & nomen protulit (d). Hinc fit, ut Sacri Hebræorum Libri iis suppleant, quæ à prophanis Historicis nunquam posse-mus attingere. Hinc eam novum dedu-

t Ann. M. 3674.

Elam Perfarum Author.

u Holopher- nes Dux exer- citus Nabu- chodonoso- ris, aliter Saosduchin Assyriæ Re- gis. x Judit. 16. 12. y Ezech. 27. 10. z Dan. 5. 18.

a Genes. 14. 1. 9.

b Isai. 22. 2.

c Jerem. 25. 25. & 49. 34.

d Isai. 44. 28. & 45. 1.

cimus argumentum, quo ad veram popu-lorum originem indagandam, ad Scriptu-ras confugiendum esse ostendamus.

Veterum Perfarum reliqui nunc in Oriente sub Sophi, & in Indiis degentes, & ignis cultui, pluribusve aliis priorum Perfarum superstitionibus additi, suam utique ipsorum historiam & vetustam originem prorsùs ignorant. Librum, qui suæ Religionis ritus, & fidei articulos continet, & quem Zandavastavo (e) ap-pellant, diligentissimè servant. Fermè ut Hebræi Mundi originem narrant; Adam & Evam generis humani progenitores no-scunt; homines jam in terras effusos & vi-tiis additos diluvio interisse ferunt, præ-ter Noe, quem secundum Adam vocant, & præter nonnullos, qui orbem populis iterùm frequentarunt.

Univerfi creatorem Deum tenent, à quo in sex divisum partes opus suum ar-bitrantur; 1. Cælum & sphaeras in amœ-num quemdam & deliciosissimum locum, so-le, lunâ, stellis, ornatum fabricavit; se-des destinatas Angelis, & cæteris omni-bus, qui præceptis Divinis sedulò obtem-perassent. Post absolutum opus, quinque diebus cessavit.

Post hæc conditus Infernus in infima orbis regione, locus tenebris horrendus, & impiis, qui Creatorem offenderent, desti-natus.

Cùm his occuparetur Deus, Lucifer se-cessionem ab illo factâ, in Inferni deterio-rem locum actus est præceps, ubi ad exitum usque mundi detineatur. Post hæc condita, iterum quinque dierum quies.

Aqua & terra, quibus inferior mundus constat, tertium Dei conditoris opus fue-runt; quibus stata quinque dierum requies successit.

Quartum opus, arbores & plantæ in ci-bum hominum & animantium; tum stata iterum quies.

Quintum opus, omnis generis animantia; quies iterum.

Sextum, Adam & Eva humani generis parentes creati sunt. Ex Eva singulis die-bus gemelli fetus nati; unde tanta homi-num multitudo, quæ mille annorum spa-tio mortem nullam vidit.

Cùm Deus malum Luciferi in se animum intueretur, quippe qui non in suam tantum majestatem injurius, sed in homines etiam noxia moliretur, malis ejus consiliis oc-currendum ratus, Inspectores in Creaturas suas instituit. Principes dati sunt in Cæ-lo Hamull; in Angelos Aerob; in solem lunam & astra Jodo; in terram Soreb; in aquas Jofa; in belluas Sumbole; in pisces Daloo; in arbores Rocan; in virum & mulierem Coos. Inspectores verò, nequid Lucifer ejusque Clientes in Creaturas mo-lierentur, dati sunt Sertan, & Afud.

Cùm hominum crimina plus nimio cre-vissent, immisso in terram diluvio Deus homines demersit omnes; uno excepto Noemo, (secundum Adam appellant) aliis-que rarissimis, à quibus terra iterum in-colis frequentata est.

Gujorum præterea filium Aram filii

e Vid. lib. in- script. Histo- ria Relig. ve- ter. Perf. ex libro inscripto Zandavas- tavo. Paris. in offic. Ni- vell. 1657.

Sem, primum Perfarum Regem constituunt; eamque Monarchiam à Regibus 45. gestam, annis mille perstitisse ostentant: quorum Regum postremum Yedegeudem vocant, quem Arabes Mahometani Regno expulsum (f), ut Karafonium se reciperet, adegerunt. Vix hæc ex historiis, quæ apud nostræ ætatis Perfas servantur. Qui-bus sanè ostenditur, quàm plurima illos lateant; & quid nobiscum fieret, si ad mo-numenta, quæ apud Orientales populos extant, confugiendum esset, ut veteres eorum historias perciperemus, nisi præstò nobis essent primum Sacri Hebræorum Li-bri, deinde Græci & Latini Historici, qui, desinentibus Hebræis, nobis optu-lantur.

Veterum Perfarum vetustissima, idiomate & characteribus incognitis inscripta, adhuc extant monumenta, quibus in Oriente au-gustus nihil, nihilque præstantius. Ma-gnificum Urbis Persæpolis, uti creditur, ædium, quarum conditores ignoti, Iti-nerantibus rudera inspicuntur, in quibus quædam Græcæ inscriptiones (g), cate- g Vide Iter rar. Perf. D. Chardin.

De Religione Banianorum sive Banea-norum, regionem Cambiæ in Judiis Ori-entalibus tenentium, hæc damus ex Sbafter (Liber est Legum ejus gentis Gallicè ver-sus ex Anglico Henrici Lord) (h).

Creavit Deus cum Univerfo simul & quatuor Elementa, Terram, Aerem, Ignem, Aquam, quæ prius in massam in-digestam confusa, separavit demum. Nam-que super Aquas in sufflante intumuerunt statim velut in ampliorem quandam ova-lem ampullam, eaque sensim augetens Firmamentum constituit, nitidum illum & pellucidum globum, qui Univerfo circum-funditur.

Terra liquido quodam elemento innatans, imò tandem fundo subsidit; factâ-que à Deo Terram inter & Aquas secre-tione, utraque simul in globum constrin-xit, cujus solidiores partes Terra, li-quentes Mare dictæ sunt. Porro globus iste, ut in medium Firmamenti depelleretur, ingens quidam strepitus seu concussio fecit. Tum Sol, & Luna creati, simulque discernendis anni temporibus in Cælo consti-tuti.

Ita è quatuor Elementis compactus mundus, in quatuor partes distributus est, Orientem, Occidentem, Septentrionem, & Meridiem. Ejus duratio ad quatuor ætates definita; quatuor hominum gene-ribus frequentatus, quibus singulis sua conjux producta est. Ex hisce parentibus genus referimus omnes, quotquot Mundum incolimus.

Terræ à se jam constitutæ præcepit Deus, emitteret ex alvo suo hominem, unde velut ovo creaturæ omnes excluderentur. Paruit illicè caput, tum cæteræ corporis partes; Deus vitæ spiraculo fecit animavit; foeminam sociavit; ambo autem illi terræ fructibus pascebantur, ab animantibus omnibus prorsùs abstinen-tes,

f Anna Egira 31. Cbrist. 651.

g Vide Iter rar. Perf. D. Chardin.

h Paris. apud Robertum Ni-zell. in 8. 1667.

tes. Primi hujus hominis nomen Porus, cœminæ Paroutea, & quibus nati quatuor liberi, Brammon, Cutteri, Schuddery, Urisus. Ne fratribus sorores adderet, abstinentium censuit Deus, metu ne incestu fœdarentur; sed conjugii gratiâ singulis singulas fœminas creavit, quas in quatuor Orbis angulis constitutas singuli illi fratres in diversa abeuntes offenderent, junctoque cum illis connubio in suo quisque angulo sedes constituerent.

Cum quatuor hi fratres ad virilem ætatem pervenissent, à Deo jussi, factâ à se invicem secessione, quatuor Orbis partes frequentandas singuli singulas petierunt. Assignatus Brammoni Oriens, quod iter suscepturus unâ secum retulit librum Legum, quas à Domino acceperat. Offendit inter eundem fœminam nigricante comâ, & vultûs colore subnigro, cui post mutua colloquia maritali lege conjunctus est. Nata inde florens posteritas, & qua universus Oriens frequentatus. Fœminæ hujus nomine Savatrea.

Cutteri, alter filius Poroi, Occidentem versus iter suscepit, ferens in manu traditum sibi à Deo ensen, strenuum se Virum gerere ambiens. Post aliquot dierum iter, in fœminam instrumento quodam (Chuchery appellant) rotundo, cujus acuta superficies, armatam incidit. Porro armorum illud genus longius ejaculatur, forulum habet in ventre, cui insertum funiculum tenens jaculator, vibratum spiculum deinde reducit. Fœminæ igitur Toddicastes dicta, singulare inivit certamen cum viro, cujus post tres vel quatuor dies producti, exitus fuit pax inter adversarios, & conjugium. Nati inde populi Occidentales, gens strenua, bellicosa & semper in arma parata.

Schuddery, tertius filius Poroi, negociationi exercendæ destinatus ad Septentrionalem plagam missus est. Habebat ille apud se pondera & stateram; & cum non longè esset à monte Stachalta, concharum rivum nactus est; nec longius excurrens in altero monte adamantes invenit. Adamantibus igitur & unionibus onustus, iter prosequens, destinatum sibi à Deo uxorem prospexit. Propior illi factus, inter mutua colloquia optare se cum illa conjugium significavit. Annuit fœmina, & unâ simul operâ ambo conjuges se totos mercaturæ, gignendisque per totum deinde Septentrionem divisus filius addixerunt. Nomen mulieris Visagondab.

Urisus, junior inter fratres, meridianum iter suscepit, instrumenta ferens ad usum vitæ accommodata. Septem maria viam interfecantia in lyntribus ad hoc fabricatis transfretavit. Secundum hæc in litore septimi maris oblectationis gratiâ instructissimas ædes excitavit. Accidit ut fœmina à Deo illi in conjugem destinata cui nomen Sejunogunda, inde fortè pertransiens, ædium magnificentiam aliquandiu subsistens spectaret. Vidit illam Urisus, allocutus est, rogavit ut sibi dextram conjugii daret. Recusans illa secessit; sed aliquandiu post regressa, votis plenissimè au-

nuit. Nati inde populi Meridionales.

Diu post quatuor illi fratres insitâ quadam à natura propensione avitas sedes ut repeterent adducti sunt. Hic igitur omnes uno simul consensu juncti aliquandiu subsisterunt; sed nato tandem inter amicos dissidio, sejuncti sunt, unâque amicos singulorum crimina in immensum aucta; quorum merito immisum à Deo diluvium aquarum omnes oppressit. His 'extinctis', novæ à Deo creaturæ, & novus mundus. Creati igitur tres homines multò quàm extincti illi, perfectiores: prior omnium Bremavo maribus & fœminis gignendis destinatus. Ex utroque ejus latere mas & fœmina nati, à quibus deinde novis incolis totus mundus repletus est. Secundus homo Wylseny servandorum hominum curæ destinatus; tertius Ruddery, qui destruendis hominibus operam daret. Cum hominum scelera ultionem in se Dei provocassent, turbinum procella excussa omnes ferè oppressit, rarissimis nonnullis exceptis, à quibus novi incolæ mundo rediit. Sed iterum ad scelera; iterumque validâ terræ succussione exterminium. Quartæ ætatis, quæ nunc agitur, ultio igne destinata. Hæc Banianorum dogmata.

Quis inter tot fabellas reliquæ ferè ubique obtinentis traditionis vestigia non videat, de creatione nempe mundi & origine omnium hominum è duorum conjugio? Cætera ad fabellas non inviti amandamus; sicut & ea, quæ de mundi quatuor ætatibus statuunt, vaga sunt nimis, & incerta, ut certum aliquid ad historiam inde deducatur.

Vetustatem Ægyptii præ cæteris perpetuò ostentant, cum quibus Scythæ de antiquitate quidem decertant (i), sed frustra; quod enim illi historias nunquam scripserint, certa suæ originis, suæque Monarchiæ Regum monumenta producere non valebant. Ægyptii è contrâ (k) & Libros & Historias vetustissimas, monumenta, & Ægyptiorum Regum Catalogos præferentes, Ægypti Imperium à Diis primò, à Semideis deinde seu Heroibus, ab hominibus seu Regibus postremò gestum tuebantur. Deos & Semideos annis 34000. Reges verò à Mene usque ad Nectanebum annis 2324. imperasse addebant. Undeviginti annis ante Alexandri Magni Monarchiam, ab Artaxerse Ocho Persidis Rege Nectanebus regno expulsus est. Inter Nectanebum & Christi adventum anni circiter 350. interfuere; quare ab Ægyptiæ Monarchiæ initio usque ad Christum anni 36875. numerarentur; quæ quidem supputatio ab omnibus, ab iis etiam, qui Septuaginta adherent, vulgò rejicitur; qui enim Hebræos sequuntur, à mundo condito ad Christi adventum annos circiter 4000. enumerant.

Georgius Syncellus (i) peculiariter hæc ex tribus vetustis monumentis se hausisse asserit, ex veteribus nempe Ægypti Chronicis, Manethone, Eratosthene, unde Julius Africanus, & Eusebius quidquid protulere, deduxerant. Chronicon Ægyptium, quod

Ægyptiorum vetustas & Historia.

i Justin. l. i. c. 1.

k Vet. Chronicon Ægyptiæ & Manetho apud Syncell. Vide Marsbam. Canon Chronol. Ægypti.

i Sæculo octavo floruit.

quod Syncellus allegat, quindecim ante annis quàm Magnus Alexander in Persas irrueret, ad Nectanebi cladem desinit; continet verò Dynastias 30. & Generationes 113. quibus 36525. annorum spatium absumentur.

Manetho fuit Ægyptius Sacerdos, qui se Ægyptii Temporum Scribam, seu à se cretis appellat, & Regi Ptolemæo Philadelpho, cujus obitus anno M. 3758. & 242. ante Christum contigit, Opus dedicat. De 30. Dynastiis, de Generationibus 113. & de Ægypti Monarchiâ à Diis, Semideis, & Hominibus gestâ, cum Chronicis convenit; dissidet verò de annis, qui à Chronicis Diis tribuuntur: quod discrimen in Manethonis textûs Interpolatores Marshamus refert.

Quod ad Eratosthenem attinet, is Athenis à Prolomæo Evergete Philadelphi filio Alexandriam accersitus, Thebarum, seu Diospolis Regibus recensendis incubuit; quorum 38. 1077. spatio annorum imperasse exhibuit. Desicientem Manethonis historiam Eratosthenes fortè supplevit, eosque Thebarum Reges, quos enumerat, alios putamus ab iis, quos vetustum Ægypti Chronicon, & Manetho recensuerunt.

Illud sanè hic arduum statuere, quanti hæc Ægyptiorum antiquitates faciendæ sint; & an prorsus improbari debeant, an verò cum sacris Hebræorum monumentis conciliari valeant. Earum utiquè auctoritas plurimum inde infirmatur, quod Ægypti monumenta inter se non coherant; quod adversentur Herodoto (m), qui nil à se referri testatur, nisi quod ab Ægyptiis Sacerdotibus accepit, quod denique Manetho Herodotum oppugnet [n], eumque falsum & mendacem Authorem appellet. Veritas una est, sibi coherere, seipsam fulcire, & omnes à se contradictiones avertere.

Ægyptum, quæ in Psalmis Terra Cham (o) appellatur, à Cham Noe filio populis primum frequentatam per Sacros Judæorum Libros ediscimus (p). Meziraim filium Cham Ægypti Regem scimus; Ægyptus etiam à Scriptura assidue Meziraim nomine designatur. Quæ omnia à veteribus Ægypti nominibus apud integræ auctoritatis Scriptores recensitis facillè defenduntur. Plutarchus (q) Ægyptum Chemiam olim vocatam perhibet; cujus etiam Regionis vicini nonnulli nominis Cham vestigia præferebant: e. g. Chemnis, Psochemnis, Pstachemnis; Deus Hammon, regio Ammonia, Urbs Noammon; quibus omnibus Cham primi Ægyptiorum Authoris nomen satis invehitur.

Quantum ad Meziraim, Veteres Ægyptii primum mensen Mezirai nomine appellabant. Arabes & in præsentia magnam Cairum Mezer nuncupant. Georgius Syncellus ab Hebræis, Syris, & Arabibus Ægyptum suâ adhuc ætate Meziraim vocari solitam testatur. Quæ vetera Ægypti nomina, eaque omnia, quæ de eadem regione Sacri Libri proferunt, eorundem Librorum veritatem mirificè probant, & Ægyptio-

rum chemaras omninò refellunt. Certò enim utique scimus, inter Cham & Magnam Alexandriam tot non potuisse annos interesse, quot ab Ægyptio Chronico & Manethone statuuntur.

Licet verò annorum & Dynastiarum numerum à Chronico Ægyptio exhibitum excipere cogemur, adhuc vetustatem, quam nimio majorem Ægyptii ostentant, nullo negotio possimus evertere. Sunt, qui veteres Ægyptiorum annos nostris breviores fuisse defendant. Imperii initio Ægyptios Regum suorum Regnum per dies metiri solitos Palephatus testatur (r). E. g. post Vulcani obitum, ejus filius Helios 4477. diebus, annis nempe 12. mensibus 3. & diebus 4. imperavit. Nonne idem fortè præstitum ab ætatis posterioris Ægyptiis Authoribus, qui, ut suorum Principum annos augerent, & antiquitatem, quam ja-

stabant, comprobarent, pro diebus annos enumeraverint? Diodorus Siculus (s) inane Ægyptiorum commentum vocat, quod vetustissimorum Deorum singuli annis 1200. diu verò juniores annis saltem 300. in Ægypto imperaverint; quodque propterea ab Helio, seu Solis Regno usque ad Alexandri Magni in Asiam adventum, anni 22000. intercesserint. Quidam mendaciorum purgaturi Ægyptios, illud timentur, quod in antiqua juxta Solis cursum duodecim menses anno adscriberent, Luna orbibus annos metientes, mensem quemlibet annum vocarent, ita ut anni 1200. quos cujuslibet Dei Regno adscribunt, mensibus 1200. seu annis 100. respondeant. Successu temporis, addunt, ex mensibus quatuor anno quolibet constituto, annis 300. suos deinde Reges imperasse asseruerunt. Hæc quidem ratio Ægyptiarum Dynastiarum antiquitatem incredibilem ad æquora reducit. Veteres Ægyptiorum anni, teste Censorino (t), mensibus duobus constabant; deinde à Rege Pisone ex quatuor mensibus constituti, tandem ex mensibus duodecim coaluerunt.

Quod ad eorum Dynastias spectat, alteram alteri non successisse certò constat; plures enim collaterales fuere; plures etiam Reges, quorum alter alteri in catalogis apponitur, sæpe sæpius cœvi eadem ætate, in suâ singuli regione imperarunt. Quare idem Catalogi septem varia exhibent nomina, juxta septem Dynastiarum Regiones, Thim nempe, Memphim, Diospolim, Thanim, Sethronem, aliter Heraclæopolim, Elephantinam, & Sam. Quæ quidem Dynastia si sibi successisse dicantur, earum duratio nimio plus quàm ab Ægyptiis exaggeretur, necessarò protrahenda. Ægyptiæ igitur Monarchiæ antiquitatem omninò non evertimus, eam verò multò minorem ducimus, quàm ab Ægyptiis Authoribus ostentetur.

His sanè Scriptoribus illud contigit, quod plerumque mendacibus, quibus nempe, etiam vera affirmantibus, nulla fides. Quare Ægyptii suæ Monarchiæ antiquitatem non modò infirmarunt, verum etiam nos eò perduxerunt, ut vel eorum Historiam noscere, vel eorum Regum successio-

r Palephat. fragment. in Chronic. Alex.

s Diodor. Sicul. l. i. p. 15. Vide & Plin. l. 7. c. 48. & Solin. c. 1.

t Censorin. de die natali c. 19.

m Herodot. l. 2. c. 3. &c.

n Joseph. contr. Apion. l. 1. p. 1039. E.

o Psal. 77. 51. & 104. 23. 27. 105. 22. p Genes. 10. 6. collat. cum Psal. 78. 50.

q Plutarc. de Isis, & Osiride.